



Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatis & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

§. 4. Quis modus in Visitatione Amicorum Apostolica observandus sit.

[urn:nbn:de:hbz:466:1-48248](#)

mundi luminaria lucebant coram Hominibus, paulatim vero ex conversatione secularium & confabulatione tepefacti, ad pristina opera secularis vita miserabiliter ceciderunt! Quare quoties Operarius ad ejusmodi visitationes exit, toties persuadet de beret, sibi in aure illa Cant. 6. verba à DEO insursum: Re vertere, Salamitis, revertere, ut intueamur te.

IV. Denique *Opportunissimam* quoque decet esse Visitationem, juxta illud Salomonis proverbium c. 25. *Mala area in lectis argenteis verbum in tempore suo,* id est, siq[ue] mala aurea supra columnas posita singularem loco, in quo confidunt, decorem, gratiamque conciliant; ita sermo quoque opportuno tempore prolatus ipsi, qui eum profert, aestimationem aliorum & benevolentiam promeretur. Ut autem opportunus sit, tria tempora maximè cavenda sunt, ne in illis talis Visitatio suscipiatur. Primò. Cùm in gravi perturbatione aut recenti luctu sunt constituti; tunc enim, ut Musica in luctu, importuna est narratio & visitatio, eò quod dolorem & sensum suum, quem pauci comprimere possunt, aliis revelantur erubescant. Secundò. Cùm festiva gaudia & ludos domus cum Amicis instituere decreverunt; tunc enim, cum hilariores esse cupiant, exosos habent, proculque abesse cupiunt ejusmodi severiores aut graviores arbitros. Tertiò. Cùm negotiis variis implicati ac gravati sunt; tum enim, cùm plurimque toti immersi sint talibus negotiis, non nisi cum magna violentia, ac indignatione à talibus curis abstrahuntur. Quo sanè in genere illustre iterum exemplum S. Ignatius reliquit, de quo Ribadeneira testatur, eum, cùm ad Principem virum aliquando adire vellat, ejusque conveniendi copia nos fieret, quatuordecim horas jejunum exspectasse, ut bene garendæ rei occasionem commodam, & opportunum allocutioni tempus obtineret.

§. IV.

Quis modus in Visitatione Amicorum Apostolica observandus sit.

I. Cùm Visitatio, de qua hoc loco agitur, per mutuum colloquium potissimum tanquam potissimum instrumentum perficiatur, meritò easdem fere conditiones, quæ

alii

alias in similibus collocutionibus observandæ præscribuntur, implere decet.

II. Et primò quidem *Apostolica* seu *sancta* sit hæc colloquio, quod fiet, si tota ad animas DEO lucrandas ordinetur, atque adeò sermones, vel de rebus spiritualibus instituantur, vel certè si adiaphoris vel indifferentibus de materijs habentur, per bonam & sanctam intentionem ad DEI gloriam & animarum lucrum ordinentur. Nam, ut sapienter S. Carolus Borromæus l. 4. Epit. Instit. monuit, plurimū refert ad Clericalem dignitatem conservandam, omni tempore, omnique loco de spiritualibus rebus sermonem inferre; quia, ut Beata Virgo S. Birgittæ l. 3. revel. c. 15. revelavit, quando bonus loquitur malis, efficiuntur boni ex auditu, & propter Spiritum DEI bonum, & propter bonitatem docentis. Cujus doctrinæ alium etiam fructum P. Petrus Faber, ut Orlandinus l. 3. hist. Soc. n. 29. testatur, assignabat, quando dicebat, ad præmunitum eastimoniaz thesaurum, obstruendosque aditus insidiatori nequissimo plurimū conducere, si mox ab initio congressus pios quis de DEO & divinis rebus sermones inferat, aut certè alijs pietatis officiis Religionem suam palam ac publicè profiteatur; sic enim, dum suæ famæ servit, cæterosque à flagitio suæ probitatis opinione coercet, unâ, cädemque operâ & pudori suo consulat, & alieno. De ipso certè Fabro Raderus in vita P. Canisij. l. 1. c. 2. hoc memorati P. Canisij testimonium refert: Nullum ex illius ore verbum, sive in usu, familiarique congressione, sive, dum mensæ accumbit, prodire audio, nisi quod DEI honorem & pietatem sonet; neque tamen ob facundiam audientibus gravis & molestus est. Idem de S. Antonio restatus est S. Athanasius in vita, dum dixit: Sermo ejus Sale conditus, consolabatur mestos, docebat infios, concordabat iratos, omnibus suadebat, nihil amoris Christi anteponendum, proponebatque ante oculos, bonorum magnitudinem futurorum, & DEI clementiam, & beneficia retexebat. Hinc ulterius hujus exercitij, conversatio nisque fructum explicans, quis, inquit, non tristitiam apud Antonium mutavit in gaudiū? quis non iram vertit in pacem? quis orbitatis luctum non ad ejus temperavit aspectum? quis non mœrore paupertatis, quo premebatur, abjecto statim, & divitum despexit opulentiam, & in sua latratus est paupertate?

quis post lassitudinem Monachus non ejus est adjutus horram
quis Adolescentis ætatis accensus ardoribus non ex ejus ad-
monitu pudicitiae amator fuit? quis vexatus à Diabolo si-
medela redit? quis inimici cogitationibus distractus, cædi-
tempestate sopitâ, sereno non regressus est animo?

III. Secundò prudens quoque sit eadem Collocatio,
oportet; quæ prudentia in tribus maximè capitibus consistit.
Primò. Ut, quemadmodum S. Ignatium P. Masseus l.3. c.11.
fecisse testatur, sermonis initia alijs concedat, extrema fibro
servet, caveatque, ne de rebus etiam divinis ineptè, vel ad-
suetatem, ac fastidium tractet; quod ipsum etiam S. Xaverius
teste Tursellino l. 6. c. 11. faciebat, ut qui salubres sermones
ne satietatem afferrent, mirâ solertiâ, varietatèque misce-
consueverat. Secundò. Ut sermonem ijs, quibuscum loquar,
prudenter accommodet; sic iterum Ribadeneira l.3. c.16.
S. Ignatium fecisse testatur sequentibus verbis: *Ad omnino
ingenia facile aptare, sermonemque temperare novit. Cum po-
tate deditis de rebus sacris; cum eruditis docta colloquia misere-
cum milite de re militari: cum fabris de re fabrili agere, ut me-
tandem de DEO sermo subuceretur.* Tertiò. Ut, quemadmo-
dum idem S. Ignatius iterum faciebat, in omni sermone
maximeque in pacificandis Hominum animis, in conrove-
nis rebus definiendis, tractandisque divinis rebus eam mode-
rationem, cautionemque adhibeat, ut nihil imprudenter el-
cidat, sed verbum quocunque nostrum cogitet ad multo-
rum aures perventurum.

IV. Tertiò *Amabilis, gratiâque esse* debet eadem col-
locatio; qualis erit, si primò diligenter attendat, de qua re illo
cum quo conversatur, libenter loquatur, & aliquamdiu in illa
hæreat. Secundò. Si ostendar, se magnam de ipso, & illis
rebus estimationem fovere. Teatiò. Si dicta, factaque il-
lius, præsertim indifferentia, aut non manifestè mala in ma-
liorem partem interpretetur, docendo, quomodo id bene dic-
aut fieri possit sine peccato, cum tali videlicet, vel tali circum-
stantia, quam illum adhibuisse, se non dubitare ostender. Si
enim ille animum colloquentis summopere probabit; ac li-
cet fortè tunc temporis debitam cautionem in verbo vel ope-
re non adhibuerit, tamen jam sine ulla læsione, quomodo i-
rectè fieri debeat, edictus in posterum debito id faciat.

Qua-

Quartò. Si illi spatiū loquendi & occasionem præbeat, interrogando, vel dicta per suavem jocum illi accommodando, præfertim si in spiritualibus non sit rūdis, vel saltem alioqui doctus; modò non det ullum indicium, se illum ex professo instruere velle.

V. Quartò *Innocua*, vel maximè etiam debet esse collo-
cūtio, id est, ut nemini vel detrahendo, vel murmurando, vel
alii quāvis ratione offendendo noceat; cùm enim is, qui au-
dit, meritò cogitare possit, Operarium, qui de aliis coram se
sic loquitur, etiam coram aliis de se audiente pariter locutu-
rum, hoc ipso suspectam & exosam illius charitatem habere
incipiet, atque adeò minùs benevolè sermones ipsius exci-
piet. Unde si uspiam alibi, hīc regula à S. Bonaventura in
spec. discipl. p. 3. c. 3. afflignata observari debet: *E rubescant*
dicere de absente, quod cum charitate non possent dicere coram
ipso. Imò & regula ipsius Spiritus Sancti Eccl. 19. dicentis:
Audisti verbum adversus proximum tuum? commoriatur in te,
fidens, quoniam non te disrumpet. Quo in genere singulariter
iterum S. Ignatius excellebat, de quo sic scribit Ribadeneira
l. 5. c. 6. In laudando parcus fuit, in vituperando parcissi-
mus. Superlativis (ut vocant) vix utebatur nominibus. De
aliis nunquam detrahit, detrahentibus aures nunquam pate-
fecit. Alienorum vitia etiam publica, &c., quæ in ore omnium
verarentur, in sermone quotidiano ipse nunquam usurpabat,
& in illa, ne alij incurrent, cavebat. Si quid tamen alijs ex-
cidisset, ipse vel elevabat, vel etiam excusabat factum, aut
animum certè & voluntatem. Quòd si rei atrocitas excusan-
di, minuendique omnes aditus præcluderet, eò perfugiebat:
Nolite ante tempus judicare. DEVS solus intuetur cor. Do-
mino quisque suo stat, aut cadit. Cùm autem gravissimè ju-
dicabat, id unum dicere solebat: Ego quidem hoc non feci-
sem. De erratis Domesticorum mirum silentium: neque, si
quid minùs decenter ab aliquo admissum esset, cuiquam ape-
riebat, nisi fortè ut emendaret, & tunc quidem tam modestè
ac mansuetè, tam existimationi illius, qui peccaverat, ami-
cè, ut, si unus testis satis esset ad remedium, duos non adhibe-
ret, nudāmque culpam poneret ante oculos, nullâ adhibitâ
contentione, aut reprehensione verborum.

VI. Quintò denique *gravis* seu *seria* etiam *collocutio*
esse

esse debet, ita ut Operarius sibi de verbis & sermonibus suis dictum existimet, quod S. Augustinus in regula suis Religiosis de moribus scripsit dicens: *In omnibus moribus vestris (i.e. sermonibus) nihil fiat, quod cuiusquam offendat aspectum (i.e. auditum) sed quod vestram deceat Sanctitatem.* Unde in omnibus jocis & facetijs risum eientibus sedulò abstinere debet, eumque in finem memorabilis sententiæ à S. Bernardo in const. mor. c. 13. prolatæ meminisse: *Inter facultates nugas sunt; in ore Sacerdotis blasphemia. Consecratis os tunc Evangelio; talibus iam aperire illicitum: assuefacere sacrilegum est. Labia Sacerdotis, ait Malachias c. 10. custodiunt Scientias & legem ex ore eius requirent, non nugas profecta & fabula.* Cujus ulteriore rationem assignant Clemens Alexandrinus I. 2. de pœd. S. Basilius, S. Bernardus, & alij SS. Patres, quod scilicet, cum verba omnia à cogitatione & moribus emanent fieri non possit, ut verba aliqua proferantur ridicula, quæ non à moribus ridiculis oriri, atque adeò Sacerdotem, qui nihil nisi sanctum & honestum in pectore continere creditum meritò dedecere credantur. De S. Chrysostomo certè rostatut Metaphraastes, non modò ipsum ab ejusmodi ludicris & ridiculis sermonibus abstinuisse, sed neque alijs, ut de similibus loquerentur, permisisse. Præsertim verò hoc in genere. Ignatius iterum excellebat, de quo Ribadeneira l. 5. c. 6. scribit: *Eius sermo sententiarum erat gravitate plenus, non verborum copiâ, simplèque potius & aperta videbatur narratio, quam aut amplificatio, aut confirmatio rerum, & contentio.* Atque hunc in modum magnam habebat ad perlungendum vim ejus Oratio, & tamen propensionem Animi sui neutrām in partem aperiebat. Illud erat in sermone prudenter, quod, quæ gravia essent, & aliquid ponderis haberent, in ijs multūm hærebat, eaque levibus prætermissis narratione ipsa ponderabat. Tanta ejus erat in sermone gravitas, atque efficacitas, ut non tam humana videretur, quam divina: quocunque enim volebat, impellebat Homines non verborum nullâ vel copiâ, vel elegantiâ, sed vi sententiarum ac ponderis. Pervicaces ac ferreos etiam emolliebat, flexibilésq; ad omnia reddebat ac tractabiles, suóque imperio sic obedientes, ut se ipsis, suámque mutationem sæpe mirarentur.

§. IV.